

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SITA

KIKAO CHA SITA

06 FEBRUARI, 2017



ORODHA YA SHUGHULI ZA LEO

MKUTANO WA SITA

KIKAO CHA SITA – TAREHE 06 FEBRUARI, 2017

I. DUA:

II. HATI ZA KUWASILISHA MEZANI:

MWENYEKITI WA KAMATI YA BUNGE YA MASUALA YA UKIMWI:

Taarifa ya Kamati ya Kudumu ya Bunge ya Masuala ya UKIMWI kwa Kipindi cha kuanzia Januari, 2016 hadi Januari, 2017.

MWENYEKITI WA KAMATI YA BUNGE YA HUDUMA NA MAENDELEO YA JAMII:

Taarifa ya Kamati ya Kudumu ya Bunge ya Huduma na Maendeleo ya Jamii kwa Kipindi cha kuanzia Januari, 2016 hadi Januari, 2017.

III. MASWALI:

OFISI YA WAZIRI MKUU:

56. MHESHIMIWA ZAINAB ATHUMAN KATIMBA (VITI MAALUM):

Atamuuliza Mheshimiwa Waziri Mkuu:- Mwaka 1993 Serikali ilianzisha Mfuko wa Maendeleo ya Vijana (Youth Development Fund (YDC) ili kutoa mikopo kwa Vijana nchini; na Mwaka 2013/2014 Serikali ilitenga jumla ya shilingi bilioni 6.1 ambapo mpaka kufikia mwezi Machi, 2014 jumla ya shilingi bilioni 2 zilikuwa zimetolewa na Serikali:-

- (a) Je, Serikali itakuwa tayari kuwaeleza Vijana nchi nzima kuwa ni Vijana wangapi na wa maeneo gani ambao wamenufaika;
- (b) Je, maisha ya Vijana waliopewa fedha hizo yamebadilika kwa kiasi gani ili tuweze kupima haja ya mfuko huo na usimamizi wake;
- (c) Je, Serikali haioni ni wakati muafaka sasa wa kuangalia upya Mfumo wa uendeshaji wa mfuko huo.

OFISI YA RAIS (TAMISEMI):

57. MHESHIMIWA EMMANUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Jimbo la Tabora Mjini katika maeneo ya Kata za Uyui, Misha, Itetemia, Ntalikwa, Kabila, Mtendeni, Ifunda, Itonjanda na baadhi ya Vijiji vya Kata ya Tumbi lina shida sana ya upatikanaji wa maji:-

Je, Serikali ina mpango gani wa kuhakikisha wananchi wa maeneo hayo wanapata huduma ya maji.

OFISI YA MAKAMU WA RAIS (MUUNGANO NA MAZINGIRA):

58. MHESHIMIWA BONIFACE MWITA GETERE (BUNDA):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):-

(a) Je, Serikali ina mpango mkakati gani wa kunusuru Taifa hili kutokana na janga la mabadiliko ya tabia nchi;

- (b) Je, ni lini Serikali itahakikisha kwamba Ofisi zote za Majiji, Manispaa, Miji na Halmashauri zinakuwa na Idara ya Usafi na Mazingira inayojitegemea kuliko kutegemea Taasisi ya NEMC ambayo inaoneka imezidiwa na majukumu ya kudhibiti na kukabiliana na mabadiliko ya tabia nchi;
- (c) Je, Serikali ilipata ushauri gani wa kitaalam wa kuiondoa Idara ya Mazingira kutoka kwenye Kamati ya awali ya Mazingira, Ardhi, Maliasili na Utalii na badala yake kupelekwa Kamati ya Viwanda, Biashara na Mazingira.

WIZARA YA MAMBO YA NDANI YA NCHI:

59. MHESHIMIWA KHATIB SAID HAJI (KONDE):

Atamuuliza Mheshimiwa Waziri wa Mambo ya Ndani ya Nchi:- Kumekuwa na ongezeko kubwa la Mahabusu katika Magereza hapa nchini kutokana na kuchelewa kwa upelelezi wa mashauri mengi:-

- (a) Je, Serikali inachukua hatua gani za haraka ili kukabiliana na ucheleweshaji huo wa kesi zilizoko mahakamani;
- (b) Je, ni muda gani umewekwa kisheria pale upande wa mashitaka unaposhindwa kupeleka ushahidi Mahakamani ili mahakama iweze kumuachia huru mshtakiwa.

60. MHESHIMIWA SUZAN LIMBWEKI KIWANGA (MLIMBA):

Atamuuliza Mheshimiwa Waziri wa Mambo ya Ndani ya Nchi:- Katika Jimbo zima la Mlimba kuna kituo kimoja tu cha Polisi cha Mngeta, jambo linalofanya hali ya usalama kwa Wananchi kuwa duni:-

Je, Serikali ina mpango gani wa kujenga Vituo vya Polisi katika Jimbo la Mlimba.

WIZARA YA UJENZI, UCHUKUZI NA MAWASILIANO:

61. MHESHIMIWA LUCY FIDELIS OWENYA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Oldmoshi – Kiboriloni-Kikarara-Tsuduni-Kidia yenye urefu wa Km10.8 ni muhimu kwa uchumi wa wakazi wa Kata ya Oldmoshi Mashariki na Taifa kwa ujumla hasa ikizingatiwa kuwa ni njia mojawapo ya kupanda Mlima Kilimanjaro:-

Je, ni lini barabara hii itaanza kujengwa kwa kiwango cha lami kwa kuzingatia ahadi ya Mhe. Rais wa Awamu ya Nne.

62. MHESHIMIWA DAVID ERNEST SILINDE (MOMBA):

Atamuuliza Mheshimiwa Waziri wa Ujenzi, Uchukuzi na Mawasiliano:- Ahadi ya Rais wa Awamu ya Nne Mhe. Dkt. Jakaya Kikwete ya ujenzi wa daraja la Kamsamba – Kilyamatundu bado haijatekelezwa tangu mwaka 2009:-

Je, ni upi mpango wa Serikali ya Awamu ya Tano kukamilisha ujenzi wa daraja hilo.

63. MHESHIMIWA LIVINGSTONE JOSEPH LUSINDE (MTERA):

Atamuuliza Mheshimiwa Waziri wa Ujenzi, Uchukuzi na Mawasiliano:- Rais wa Awamu ya Nne alipotembelea Jimbo la Mtera katika Kijiji cha Mvumi – Misheni aliahidi kutujengea barabara ya lami kutoka Mlowa barabarani hadi Mvumi – Misheni kwenye Hospitali Teule ya Wilaya ya Chamwino. Pia Rais wa Awamu ya Tano katika Kampeni zake alipofika Mvumi – Misheni alisisitiza kuwa barabara hiyo itajengwa haraka iwezekanavyo:-

Je, Ujenzi huo utaanza lini.

WIZARA YA KILIMO, MIFUGO NA UVUVI:

64. MHESHIMIWA STEPHEN HILARY NGONYANI (KOROGWE VIJINI):

Atamuuliza Mheshimiwa Waziri wa Kilimo, Mifugo na Uvuvi:- Wakulima wadogo wadogo wa mkonge wamekuwa wakiuza mkonge kwa Kampuni ya Katani lakini Kampuni hiyo imekuwa haiwalipi wakulima fedha zao:-

Je, Serikali ina mpango gani wa kuhakikisha wakulima wanalipwa fedha zao kwa wakati.

WIZARA YA FEDHA NA MIPANGO:

65. MHESHIMIWA MACHANO OTHMAN SAID (BLW):

Atamuuliza Mheshimiwa Waziri wa Fedha na Mipango:- Kwa muda mrefu kumekuwa na malalamiko ya Wananchi, Watumishi wa Umma na Wafanyabiashara juu ya riba kubwa inayotozwa na benki zetu kwa wale wanaochukua mikopo hali ambayo inarudisha nyuma juhudi zao za kupunguza umasikini; na kwa kuwa Benki Kuu ndio inayosimamia Benki zote nchini:-

(a) Je, ni lini Serikali kupitia benki zetu nchini itaweka utaratibu wa kupunguza riba ya

mkopo walau kufikia 10% - 12% badala ya riba ya sasa ambayo ni 17% - 20%;

(b) Kwa kuwa mikopo inayotolewa kwa Watumishi wa Umma ni salama zaidi kwa benki; Je, Benki hizo haziwezi kuweka riba maalumu kwa kada hiyo.

66. MHESHIMIWA TAUHIDA CASSIAN GALOSS (VITI MAALUM):

Atamuuliza Mheshimiwa Waziri wa Fedha na Mipango:- Kumekuwepo na malalamiko ya muda mrefu yanayotolewa na Wachongaji wa vinyago hasa pale Wanunuzi wa vinyago hivyo kutoka nje wanaponyang'anywa bidhaa hiyo wafikapo Airport kwa madai mbalimbali ikiwemo kutolipa kodi:-

(a) Je, vinyago hivyo ambavyo ni biashara ya Wanyonge baada ya kuzuiliwa hupelekwa wapi;

(b) Je, Serikali haioni kuwa kwa kufanya hivyo kunawapotezea wateja na soko kwa wanaofanya ujasiriamali wa aina hiyo lakini pia kuwaingizia hasara.

WIZARA YA NISHATI NA MADINI:

67. MHESHIMIWA MUSSA RAMADHANI SIMA (SINGIDA MJINI):

Atamuuliza Mheshimiwa Waziri wa Nishati na Madini:- Kuna mahitaji makubwa ya umeme katika Jimbo la Singida Mjini hususan katika Kata za pembezoni kama vile Mtipa, Uhamaka, Mwankoko, Unyanga, Mtamaa, Kisaki, Unyamikombi na Unyambwa:-

- (a) Je, Serikali ina mpango gani kuvipatia umeme Vijiji katika mwaka huu wa fedha;
- (b) Je, Serikali ina mkakati gani wa kutumia rasilimali ya nguvu ya upepo iliyopo Singida ili kuongeza nishati ya umeme.

68. MHESHIMIWA ABDUL AZIZ ABOOD (MOROGORO MJINI):

Atamuuliza Mheshimiwa Waziri wa Nishati na Madini:- Maeneo mengi katika Jimbo la Morogoro Mjini bado hayajapata nishati ya umeme kama vile Kata ya Mindu, Lugala, Mkundi, Kiegea A na B, Kihonda, Mafisa, Tungi, Kingolwira na Kauzeni A:-

Je, ni lini Serikali itamaliza tatizo hili la muda mrefu.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA MASUALA YA UKIMWI:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Masuala ya UKIMWI pamoja na maoni na mapendekezo yaliyomo kwenye Taarifa hiyo.

MWENYEKITI WA KAMATI YA KUDUMU YA BUNGE YA HUDUMA NA MAENDELEO YA JAMII:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Huduma na Maendeleo ya Jamii pamoja na maoni na mapendekezo yaliyomo kwenye Taarifa hiyo.

**DODOMA
06 FEBRUARI, 2017**

**DKT. T. D. KASHILILAH
KATIBU WA BUNGE**